

Inatsisartut Suleriaasianni § 32, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Kalaallit Nunaanni Inatsisartut aallartitaasa siulittaasuut, Josef Motzfeldt, imaattumik aalajangiiffigisassatut siunnersuuteqarpoq:

Nunat Avannarliit Killiit Siunnersuisoqatigiiffiata aalajangersagaa nr. 2/2008 Inatsisartunit taparserneqarnissaa pillugu Inatsisartut aalajangiiffigisassaattut siunnersuut, aalajangersagaq ima oqaasertaqarpoq:

Savalimmiut Islandilu illuatungimik nunaanni naalagaaffiit aallartitaqarfiattut qaffasisuseqartunik aallartitaqarfinnik pilersitsinikuupput. Nunat illuatungimik nunaanni naalagaaffiit aallartitaqarfiattut qaffasisuseqartumik pisortatigoortumik aallartitaqarfinnik pilersitsinissamik isumaqatigiissuteqarnissaat Nunat Avannarliit Killiit Siunnersuisoqatigiiffiata Kalaallit Nunaanni aammalu Islandimi naalakkersuisunut kaammattuutigaa. Taamatullu illuatungimik nunaanni sinniisoqarfittut allaffeqarfinnik pilersitseqqullugit Savalimmiuni Kalaallillu Nunaanni naalakkersuisut Nunat Avannarliit Killiit Siunnersuisoqatigiiffiannit kaammartorneqarput. Taakku pilersinneqarnissaanni ataatsimoorussamik allaffiit sapinngisamik annertunerpaamik atorpeqartarnissaat nunanut kaammattuutigineqarpoq.

(Josef Motzfeldt, aallartitat siulittaasuut)

Tunngavilersuut:

Nunani avannarlerni killerni naalagaaffiit qangaaniilli pitsaasumik annertuumillu suleqatigii-tarsimapput. Taakku imminnut qaninnerpaallutillu sanileriillutik ukiunilu 100-linni qanittumik ikinngutigiiittut sanileriittullu attaveqarfigisarsimallutik. Taakku saniatigut nunat innuttaat nunat akornanni annertuumik nutsertarsimapput, sulisarlutik nunanilu allani najugaqartarlutik.

Nunat akornanni attaveqatigiinneq suleqatigiinnerlu suli annertusiartuinnarpoq taassumalu suli nukittorsarnissaanut nunat piunmassuseqarlutik. Nunat oqartussaasuisa, innuttaasut kiisalu inuussutissarsiuteqartut aammalu sulisussaqaarniarnerup akornanni attaveqarnerup suleqatigiinnerullu annertusiartortinnissaat Nunat Avannarliit Killiit Siunnersuisoqatigiiffiata ukiorpassuarni sulissutigisimavaa.

Aallartitaqarfinnik atorfilittaqarfiusunik, naalagaaffiit aallartitaqarfiinik sinniisoqarfiinilluunniit nunani qanittumik attaveqarfigisaminni, annertuumik suleqatigineqartumi aamma/imaluunniit niuerfigineqartumi naalagaaffiit pilersitsigajupput. Nunat Avannarliit Killiit Siunnersuisoqatigiiffianni ilaasortat tamakkerlutik namminersortuullutik naalagaaffiunngim-mata, aallartitaqarfiinik atorfilittaqarfiusumit allaanerumik qaffasisusilimmik atuinissaat pisariaqarsinnaavoq. Taamaakkaluortoq nunat avannarliit killiit tamakkerlutik akornanni i-nuiaqatigiittut taamatullu kulturikkut attaveqaatit nukittorsarumallugit pisortatigoortumik a-kaareqatigiilluni sinniisoqarfeqarnissaq annertuumik pisariaqartinneqartoq Nunat Avannarliit Killiit Siunnersuisoqatigiiffiat isumaqarpoq. Niueqatigiinnermi taamatullu inuttut atukkatigut nunat pingasuusut innuttaannut, nunap tikeraarfigerusutap niueqatigerusutalluunniit pisortati-goortumik sinniisuutitaqarfianut piusumut saaffiginissinnaasuugunik tamanna annertuumik naleqassaaq. Tamatumalu sulisinnaasut nunanut allanut nuussinnaanerat suliartorsinnaaneral-lu ajornannginnerulersissavaa. Taamatuttaaq nunani avannarlerni killerni inuussutissarsiutinik ingerlatsisut nunat akornanni suliaqarsinnaanermik periarfissaannik nukittorsaaniarneq anner-tuumik ikiorserneqassaaq. Kiisalu nunani avannarlerni killerni innuttaasut nunat akornanni nuukkaangata pisinnaatitaaffiisa soqutigisaasalu qulakkeerneqarnissaanut tamanna ikiorsiis-saaq.

Nunat illuatungimik nunaanni niuerneramik siunnersuisoqatigiiffimmik imaluunniit aallartitaqarfimmik atorfilittaqarfiusumik pilersitsigaluarpata nunat avannarliit killiit qangaaniilli siviisuumik pitsaasumillu suleqatigiinnerannut pissusissamisoortumik nangitsinerussagaluartoq Nunat Avannarliit Killiit Siunnersuisoqatigiiffiat isumaqarpoq taamaattumillu sinniisoqarfittut allaffeqarfinnik imaluunniit aallartitaqarfimmik atorfilittaqarfiusumik pilersitsinissamik isumaqatiginninniarnissaq aallarteqqullugu nunat naalackersuisuinut kaammattuivoq.